



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛЯХАД ҢАДИБЕРҢА

СИ" ИВ ЯЛЯХАНА ҢОПОЙ" СЕРТАБИВА"

Мэбета вадава" ила' панан' етри' мэква"! НЯРЪЯНА НЭРМ



№ 9 (5283)
2026 по'
февраль иры'
28 яля

СУББОТА

Российская Федерация Ямало-Ненецкий автономный округ



Сидяңг: Никита Погонин тадтавы

Тоенавахад ехэра

2

Вадито' нямна няркнана"

Сидяңг: Марина Яр тадтавы



Тёняны Хаби" я' няна харе" вадидо' нерня' пэрта", җацекы тохоламбада" ма"лыць. Няхар" по' тяхана җани' җобт' тэвормыць. Теда' тюку по' нюртей' Сургут' хардахана җэда университетхана сиддо' ма"лавыць.

Светлана Ивановна Тусидам' харе" вадахато' няби литературан' җацекы тохоламбади" Ассоциация' җуданданаҗэ тэравыць. Җавнанда Җэдя' хардахад Саляңгардан' тэвавыць. Школан' то"махаданда таминда варемда мэць пявы. Җэрм' тер" ненэцие" институтм' малесь, округна" тохолкова' серо тидхалембада институтхана манзаравысь, та' мальҗгана «Учитель родного языка Ямала» конкурсм' минревы. Пыда хуркари" проектха"на мэвы: «Новый учебник Севера»,

«Арктическая азбука»... Луца' вадахад ненэй вадан', ненэй вадахад луца' вадан' падвы тидхалемби. Теда' аспирантура-хана тохолку.

Маня" «Няръяна Нэрм» газетан' Ензя' яхад паднана нява" Раиса Пехедомовна Яптунэ җани' таниямна ядэрҗась. Пыда җока" по" ямбан' Дудинкахана җацекы ненэй вадан' тохоламби. Тамна җопойдо' Сёяха' школахана ненэй вадам' минрена Меретя Григорьевна Тусида.

Съездан' тодо" җэрм' яхат товыць. Пыдо' малмбой' харто' вадито' нямна няркна". Җарка иҗудм' мэкая едэй сава и' ядэ-рабодамдо' җобнзер' пюрҗа". Ма"лёвыҗэ е"эмняндо' хуркари тарана тохолкова хамэдавы". Танияҗы яхана ханзер" вади лэтрамбамдо' намдрамбавы". Ты пэрма' няю' таславы манзаяха"



Сидяңг: Меретя Тусида тады"

илебей" ненэциедо' тохоламбидо', нидо'. Едэй җадимы" мутра" сер' хаби", сыя хаби", пэдара' тер" ненэй ненэця" вадидо' тохоламбадакыдо', нинякыдо'. Тарця серо" нямна мал' хонрамбвыдо'. Тикы' хавна «Россия – моя история. Югра» паркм' манэ"манзь хан"мыць. «ЧелоВечность»' няби «Барсова гора»' нямна ядэрмыць.

Яханандо' серодо' хурка җэ-вам' округандо' җэвахана мэна ерв' марцьхы Елена Майер ваде"мэдаь. Школан' хэвандыдо' җахакуд хамэдамбидо'. Е"эм-няндо' «Стойбищная школа-сад» проектм' сертаби". Интернет' мутравна тет ю" самляңг җацекым' тохоламби". Таддикахад невхы

җамгэри җобт' ма"лама ёдо', музейдо' ю" җэдараха.

Тюку съездадо' җацекы тохоламбада"на неновна тарана җамгэ. Пыдо' Россия' тиҗгывна илена нидо' ла-ханако ня"җа". Тарем' җобт' тэвормандо' сер' манзаито' пняндм' няхато' ваде"җа. Харе" вадан' җацекы тохоламбава' серм' тамна саваркаҗэ сертаби", тодо" ё" помна минда проект җадимдемби".

Ма"лёвамдо' хуркари" җарка" ерв" нэмбвэдонзь. Тодо" тэнз ненэцие" серо тасламбада агентство' няд ядэрта ерв Тимур Цы-бигов, Җарка Ассоциацияна" нермбэртя Александр Новыхов тикахана мэвэхэнзь. Җэрм' тер" ненэцие" мандалка"на мэни" ня' тасалковам' мэ"мыць. Россия' җэрм' тер" ила' саиро няби вади ханзер" нерня' минре пир"мам', лэтрамбавам' ваде"мыць.

Анна Яптик' падвы

Ненэця' вада – минтарка вада

Сидяңг: Ольга Салиндер тады



Ямална" тиҗгэвна юдимдей җарка пад-навам' мэ"җаваць. Хар"на" вадава" лэтра-вана", сямана" няю' диктантм' па-дыбиваць.

3 стр. җа

Няматадакудма дядя



Пуровский район-хана няматадакудма дядямэ"җаш". Тадкан мянадмантуҗ мэты шанат дяхат мэна" неша" җомаш".

4-5 стр. җа



Таттама: Андрей Пяк таттамы

Ныхыдырҗаць

Си"ив Харв маркана сёбар" җацекы" невхы" сьакубцха"на пирдырцеты". Ненадо серкана «Ямал-нюна" я!» Ассоциация' тер" сиддо' нерня' тид-халембасеты".



Сидяңг: Галина Кинчина тадтавы

6 стр. җа

Тоенавахад ехэра

Сидяңг: Никита Погодин' тадтавы



Пыда тет иры' тяхана манзаямда ня"мадась. Округна" смянхат юнета, нэта ниня мэйвна нуна я' ервнэ Артем Иванович Чулановм' тасладонз. Сяхаринда Ямальской район ё лядпа юнда етри' сосеты. Теда' нод" тикамдо' едэй ервахадандо' ё"пато' ни серос". Пыда танияна пон' ни иле, нэрм яханана" вадёвы нани' ни на", тарем' нод" харта сава индя вырахана манзаямда пир"мамда манэ"лабтамбида. Едэй по' нерцюна нермбэртяңэ тасладонз. Хаяхяда яля' юнм' минрена" нина" нянда тэворцац. Ня"амбада янда нямна лаханакурцац.

Пили" нюрте"э' инзелевани мальнана Нэрм' тер" нямна нэда вадамда нэтедамз. Пон' яханана" нибата манзара нод" вадада мэйвна ха"морна. Серо теневада. Артем Иванович инда ядэрабцо ваде"нась:

— Нердена манзаяхадани хэхэм, пэхэд мивы хэбидя явэм' тэврадамз. Сяхаринда тольни ниня нобкарт вата нямгэ" яңгосеты", тарем' манзаяханани нямгэ нюртей таравам' тасламбидм'. Няна-ни манзарана" нини" нани' тарем' табедамбасетын'.

Тикы' нерцюна Яр-Салыхана ноб" департамент' нэвахана мэйвись. Танияна нод" манзаянда сава юнда пили" совысь. Теда' пэртя серода нэка сохом' нибато' тамбаб" нод", сёбар" илам' нида юрыбю". Баскетболхана сянако

командадо' тания. Пирця нэванда нид савава нэвэ тэвабида. Районханандо' сёбар" сянаковам' нёдана" нэка. Нэцеки" футболм', дзюдо таро"мам' харвобта". Тадно" пирдырма' няю' лоходо' тас". Нэрм' тер" сёбар" сянакубц мэта" нани' тания". Пыдо' нямгэри" пирдырмаха"на нерня' ха"морна". Сёбар" нидо' нерня' ха"морма"ханандо' нани' явна юнмдо' минре".

Лахарёдо' я' тебтм' нэкалпади" нямна хэва' мальнана Артём Иванович тарця" вади мэйнась:

— Ямальской районва" я' тебтм' нэкалпади" поңгана етри' сава юнда со. Ненэйвана нэрка Россия явнана" Бованенковской месторождений нюм' сосеты. Яханана" смянхат нэка мюсерта" иле". Пыдо' я' тебтм' нэкалпади" няцэ нито' хэвхана сензувна иле". Сяхари' манзара пэвандо' нерня' мюсерта" яна" тер хонрасетыва". Ханяна, нямгэ то"олха ё пэвадо' ты пэртыха" ваде"цетына". Ненэцяңг" инзе-

лесетыва", хэтвы" вадидо' падарт' падыбасетына". Пуна мале манзара пэ"махадандо' я' тебтм' нэкалпада" тикы намдавы" вадина" нёдасетыдо'. Манзаидо' ты пэрти" сехэры' ни' ерембато', тасламбасетыва": «Я' ниня ле-хэбтёда трубам' мюсевандо' ёльцяңгана тэхэ"на мада нидо' пират"». Нэдьбэтя нэхакуй похот мад сертаба пэвац. Районханана" мале сян". Я' тебтм' нэкалпада" нэка есям' районхана пэмби". Ила' саирм' лэтрава', сёбар" илам' нёдава', иле мядо' мимбава' няю' мэйна". Тэхэ"на мэни" е"эмня хардо мимбыва". Пэхэрэй вынд' тэврамбыва". Пудана по" ТЭК" лекарадва" тэврамби".

Няхар" юр", тет юр" ненэця" няндо' тэворцеты". Сянакова' яляхана пыдо' ты пэрти ма-нэ"сарцеты". Тюку по' округханана" Сензувна илева' не-

надо пом' ядабтамбыва". Тикы' няю' яханана" тарця серм' тетян' тэравац. Хусувэй серма" ненэда-вна мэймандава".

Артем Иванович нэка вадам' ханзер" хардо мимбава' нямна хэтась:

— Смянхат тоенанава" нани' я' тер" тотрев' иле харад' нямна нэ. Мюсерта" ненэциена" нод" нани' мятамдо' ня"марпи". Пыдо' теда' мюсерпато' нод" сяхари' вэсэймахадандо' хардан' тэваңгуд". Мюсерць нидо' пират". Пыдо' е"эмняндо' нэхакуд хардо мимбабана" серо"на. Юкад вата сидя по" ямбан' мале сян ёнар" кв'харадм' сертавац. Тарем' нод" районханана 15 процент' пир" хардана" тамна тибейнэ толы". Тюку по' сидя юр" иле харадм' хуркари" программы няд"мяцэ миңгува". Небо' самляңг тибей харадм' ха"авравац. Невхы" нюдя" нэсына" сацэ яңга"ма". Ныхы' яхад сырацэ нюдяко" марад" то"олха". Нани' яха"на илена" тарця илам' тамна хам-заңгудо'. Сюнай-Салэ невхэхэта тасла тумдаита яңгу, та' ханя тэри паской.

Илаңгананда Артем Иванович смянхат таранаңэ мята тер тасламби. Пухуцяда, нюдэ, небяда, нисяда, хасаваюр" потна хадада тания. Тикы' нида илаңгана сидта нядаби". Нямгэ тоенана серкана тидхалемби", нерня' пэра". Пыдо' сяхариндо' хэвхананда мэй". Нэвнанда нисяда тэри ненэцяңг" тэя табедамбавэда. Хусувэй хибяри, ерв, тэри манзарана, вэсако, пухуця, пыдо' мал' - ненэця". Тарця нэбата, янда тер" нянда енаңгу". Ил' манэ"лабтаңгуда.

Марина Ярой'
падвы



Сидяңг: Фёдор Воронов' тадтавы



Сидяңг: Сергей Зубков' тадтавы



Сидяңг: Юлия Чудинова' тадтавы

Ненэця' вада – минтарка вада

Яраиры' 21 ялям' тодо" тэнзненэце" помна ненадо яляжэмэ"цетыва". ЮНЕСКО' ватовна 2000-й поход харе" вадина" лэтрава' е"эмня наўэдя таславы ялява" тая. Нарка яна" жардан' хуркари" илека" серо минресетыва". Тандая' Ямална" тиүгэвна юдимдей жарка паднавам' мэ"үаваць. Таўок по" ямбан' яна" тер" егри' юобт' ма"люрцеты". Тикы' няю' харто' вадамдо' лэтравандо', сямандо' няю' диктантм' падыбасеты".

Салыңгардахана тет тэнз" нэрм' тер" яра иры' сидя юдимдей яляхана ма"люрцаць. Хусувэдо' толаңгова' мякана харта вадавнанда паднась. Тодо" лохохо"на паднава' серкана теневабцудо' тасламбиць. Ненэй ненэця", хаби", тасу' хаби", ұысми" вади намдаваць. Нарка ненэця", тохолкода", мяд' терсавэй" товы" таяць. Вадамдо' мэнена", тенева" варемдо' мэ"ңаць.

Малеюкапо" «Няръяна Нэрм» газета манзарана" диктантм' минредо'. Пыдо' мале падвы техэ яхандо' тидхалембидо'. Сиддо' няд"мяць округханана" харе" нина" хайнана диктатм' падыби". Маркана илена" е"эмня ненэй вадавна толаңгодаңэ «Няръяна Нэрм» газета, ұэвахана мэна Марина Тэтакучевна Яр тарась. Юбнзер' падыбавэва" сёбар" ненэце" нямна ұась. «Мэбете"э Тэсида"м' нубе"ңась. Газетахана манзарана Анна Яптикы' падвы. Тароць мэбета Кирилл Тэсида' нямна паднавысь. Пыда Тасу' яхад, Нэдя' хардахад ұа. Нямнанда нэда юнм' намдаванда сер' тарем' мась:

– Ихинани нули" сава нэ"нив". Си"ни: тотрев' сёбарңэ харвана" нини" иле"мями толаңгу". Тандая' вадёдана" ұацекы" си"ми пыдаңгу". Е"эмняндо' табекоми тарця: «Индата" пирпата" –нерняри' ұада"».

Тюку пова" «Сензувна илева»' поңэ таславы. Яна" тер" сяхари' пыхыдадо' мэйрамбидо'. Юпой яхана ни" ұамдио". Сенз нэвадо' таянд паңгды. Паднаванз товы Юрий Хасавович Лапсуй тарця" вади хэтась:

– Мань Панаевскхад тодамз. Ихинани тарем' юобт' тэвор"мава" сава то"олха. Тев' ёльцяңгана маркана мэсетыдм'. Тикы' сер' диктантм' падыбава' ёльцянд' ха"морцетыдм'. Няхаромдэй мэва' паднадм'. Сяхаңгав' манзаям' тохоламбава' мякана ма"люрцаваць.

Та' мальңгана Валенти-на Нёлёковна толаңгусь. Нэрм' тер" тюку" похо"на харто' вадамдо' теневабто' тара. Маня" ненэй ненэцяңэ вадава" юриба ни серос". Лэтрамбахава". Нюху"на", нюна" нюху" тэврамбахава". Ёани похона ёани' тут-накэдм'.

Нармбэй ненэця" поңгад Тамара Очевна Окоэтотто' ядабтадамз. Пыда тарем' лаханась:

– Мань нянани ненэ-це" ма"люрма ёльце са-ва. Нивы манэпавы" ни-на" хомбива"ма". Небо'



Сидяңг. Анна Яптик: тадагы"



Кирилл Тэсида – маханяңэюм'. Харе" ням-нанда диктатм' падыби, хэвхананда сидта тидхалембадада Сергей Яптунай падна.

Сидяңг. Ольга Салиндер: ұадагы"



нюху"нани турңадамз. Теда' ёани' тось таславась. Падыбавэва" нули" сава нэвы. Вареми мэць жарханда падавась. Илебей" ненэцяңг", ұацекэхэ" мэ"манда табекоми тарця: «Вадамдо' мэ"ңамдо', нерняри' минремдо', харто' вадавнандо' ибедорңая". Вадамдо' теневаван' харвана" – тохоламбамдо'. Яна" тер" сензувна илея"».

Тарем' харе" вадина" лэтрамба ненадо ялява" сававна мэ"үаваць. Ханяңы" теневабцудо' хорпавандо' хавна пон' нивы хомбавы нидо' ядабтамбиць. Неноховавна юпой яхана юока тэнз" нэрм' яна" вабц намдаваць, паской" ембдяродо' манэ"үаваць.

Тохолкурңа"

«Герои Ямала» проектвана ёани' тохолковамдо' пядонзь. Яра иры' пудана яля' нэсонд' минреңгудо'.

Ямална" ерво" мякана нямэ-хэна ява" лэтрамбавы" нина" то-холковыць. Салыңгардахана няби Новой Уренгойхана ма"люрмыць. Тикахана нидо' торомдамбавыць. Теневабцудо' надимдембавыць. Няндо' ерво ханзер" манзаравам' вадэ"мыць. Хусувэдо' тохолам-

баванз тэравы серкананда сита нерня' тидхалембадада таясь. Та' мальңгана поңгадандо' няхар" ю" ненэцям' тэравыць.


Округна" ерв", Салыңгардыхы" няби Приуральской районхы" тидхалеңгода", РАНХиГСхад сиддо' тохоламбиць. Нерм-бэрмам', общественной полити-кам', тамна ёани" тарана" серо манэ"лабтаць. Тамна хуркари" едэй мутры" сер' манзараць. Тикы' хавна илебей ненэце"

мэлван', халэ" заводан', «Коми-деревня"н' ядэрңаць.

Небо' юоб" тарана серм' надимдець. Сайнормахад товы" е"эмня тодо" организацияха"на манзара ядамдо' лэтрамби", «Центр занятости населения»' хардан' падродо' нэдабтамби". Манзаядамдо' пюня" таянд намдараңгудо'. Таддикахад етя организация"мана, «Работа Рос-сии» нубета цифровой плат-формахана манэ"пидо'. Тарця"

ңаво няд"мяць СВО' няд товы" нензел"мана манзаядамдо' хось пирта". Ёамгэм' пир"мамдо' харто' тэрабаңгудо'. Ёокханда Ямалханана" тет юр" пир" ман-зая" мэлви надимдевыць. Яхандо' тандая' тэвавы" нина" илам' сибёмдембидо'.

Тарем' ня"амнандо' няркана". Хусувэйхана няха"нана" тарана" несэй" серо надимдемби". «Герои Ямала» нубета серм' няд"мяць тохоламбидо'.

ЛЕСНОЙ
ДИАЛЕКТ

Чуки похона хамплянк команда - Самбудкахат, Калясамэхат, Ханымейхат, Калпюдкат, Талкахат мэна мяналяш. Праздник найпёш культура-хана мансланна" дэты постановкам «Оленевод-сила Ямала» ыгчимчеңаш. Чикиң пут сценаң кэвмана кан" мансхалыш. Чуки похона парадхана ыопшеды шича дю" шитчет, тың кан", неша" мюшинатлям нуп пумна миньдыш. Тытуң топдыма", канутуң дёльше мэкат". Чикехет празникан томы" ведв" нешади" поздравий-пёш мунуңаш". Талкахана ты" паделдыш манслани" дялям Пякупур нимита дяхаң няна ыайта пуд ыылдна мэңатоньш".

Праздникан томы" хомана ыыптакомаң мэты таның шичадио" шитчет ыок мяту" меңаш". Кулкади" ыамыдио шелтаңаш", шанат плошадка" манслаңаш". Мяналта" неша" шича дяляң дямпан поңкнатуң мяналяш". Чуки похона дюдкат вата шичадио" шеёв тыңкан" няматадакуляш". Недьчей дяляхана няматадакулта" масс-стартхана нуп дильшуң мансхалыш". Таньше нуп дильшуң ыайталёма неньшал ниңа. Ёука нешади" маньдеш куки" ты" шехелэхэт ыатан шулхадьштуташ.

Таньше ыайталёш мяналчи" поңкна ыайвахай местам Ханымейхат мэна Виктор Пяк канаңата. Ыыта финиш дёльшат мат мину-та четдю нуп секундахана тайвай. Нимимты местан нупчики Ханымейхат мэна Вячеслав Пяк ка'амдыш, ыыта недьчена няхатата нуп секундамна хатхалдыш. Няхамты местам Самбудкахат мэна Сергей Хатанзеев канаңата. Нимимты дяляхана ыопумана ыайталёта" мяналяш". Ёопумана ыайталёта" касами" поңкты Ха-

нымейхат мэна Владимир Пяк ыайвахай местам канаңата. Ни" поңкат тың кан'хана ыайталёш ыайвахай местан Жанна Агичева ка'амдыш.

Шича дяляң дямпан мяналта" шана'куш". Вядкудоляш", нэхэлумпиш", няхад ха'мхана ха'муляш", шалди" ыылдна нюмкупёдыш нетуң конудпиш", этно-биатлонхана шулвильш мяналяш". Кальтуң детуң

ыайвахай местам канаңата. Ёокна мяналтахана" вядкудоляш Талкаң командахат мэна Филипп Пяк ыайван ка'амдыш. Кальтуң мяналтахат" шалди" ыылдна нюмкупёдчи" поңкна Алексей Кунин нэхэля. Ёокна мяналтахат шалди" ыылдна нюмкупёдыш Калясамың командахат мэна Евгений Пяк ыайвахай местам

Няматадаку

Дюдкат ва'та шичадио" шеёв тыңкан", хамплянк команда", шичадио" шитчет" ненэй мят". Пуровский районхана няматадакулма дялям мэ'наш". Талкан мяналмантуң мэты шанат дяхат мэна" неша" ыомаш".

мяналчи" поңкна няхад ха'мхана ха'мольш, этнобиатлонхана мянадыш, кан'ну" нимня ха'мольш ыайвахай местам

Самбудкахат мэна Афанасий Тэсида канаңата. Ыыта празникхана удостовереним", знак «Мастер спорта России по Северному многоборью» ня'амңа. Ёокна командахана мяналтахат" няхад ха'мхана ха'мольш Калпюдкат мэна Николай Пяк нэхэля, кан'ну" нимня ха'мольш Самбудкахат мэна Анатолий Вора ыайвахай местам канаңата. Этнобиатлонхана шулвильш Ханымейхат томы командахат мэна нэхэля". Няляңпаңк вядкудпёш Самбудкахат томы Иван Вануйто хомана вядкудоляш, ыыта

канаңата. Кальтуң нэхэлумпёш мяналтахат" ыайвахай местан Дмитрий Айваседо ка'амдыш. Ёокна командахана мяналтахат" нэхэлумпёш Калпюдкат мэна Леонид Пяк нэхэля. Тың канхана ыайталё ыайвахай местам канамы", шана'ко мянадыш нэхэлды" тотуң милита" мячисы" ня'амңа". Чуки похона мяналды поңкат ыайвахай местам ыай Самбудкахат мэна команда канаңата. Нимимты местан Талкахат мэна команда ка'амдыт, няхамты местам Калпюд команда канаңата.

Ыыңкна, калтыхина дидина" нешаңкна" няматадакулма - пиди хома ыыптакома дяля. Шанат тэмс неша" ыопт ыомшту", куптат ниня маньмайтуң нетуң, дидюнатуң кошту", няханатуң дё лимяшошту", поңкнатуң шана'кош мянадышту".

Праздникан томы" хомана ыыпта комаң мэт культурахана,



Тагма: Андрей Пяк тагтамы



Улма дядя



дямпан трансляцим' миндеңаш.
Куше чики праздник' мэсу-
мам Пурмедиа интернетмана
ңычимчеңаташ.

Андрей Пяк патмы

спортхана мансланна" кудкади"
мероприятии" шедтаңаш". Ня-
матадакулма дядяң вильма мэт
шанат предприятия" нятакуш.
Чуки похона кудкади" празд-
никхана тадыңаш. Їашки'уди"
шана'комаң мэт шанат площадки
шедтаңаш". Медь ни" конкурс-
хана «Ямальский колорит» не-
нэй паныдэтуң ңычимчимпиш".
Кудкади" матамэй", медьмана
шедтамы" паны", пема тады-
ңаш". Кынутаха" дюньшидеман
хата" «Напевы тундры» нимита
фестивальхана кынучи" мэта"
кынсыхи" дюньшидеңаш".

Чикиң камна няматадакулма
дядяхана шича свадьбам' мэ-

ңаш". Павел и Софья Пяк пат-
наңаханьш, Тимофей и Алёна
Айваседо ңопт кайямч дядямч
мэңаханьш. Няматадакулма
дядян томы" неша" хомана

ныптакуш". Чики праздник'
шедтапёш предприятия ТЭК
нятакуш. Їука неша" ня-
матадакулма дядям
маныдемаң мэты «Пу-
ровская медиагруп-
па» шича дядяң





Ныхыдырҕац



Си"ив Харв маркана ҕэрм' тер" сёбар" ҕацеки" ҕани' тания". Пыдо' тохолковандо' ирманы ханяҕэхэна помнандо' невхы" сянакубцха"на пирдырцеты". Сиддо' тикы ненадо серкана «Ямал-нюна" я!» Ассоциация' тер" нерня' тидхалемба-сеты".

Тандая' сидна", «Няръяна Ѓэрм»хана манзаранаҕэ, танияд Сотруева Анна мядоманзэ хаҕась. Пыда сёбар" серо нерня' минрена не. Ямал' тиҕгэвна юнда пили" сосеты. Манзаита нямна тарем' лаханась:

– Мале сян по' ямбан' Центр технического творчества' тохолкось' яхана сёбар" ҕацеки тохоламбадаҕэ тарадм'. Теда' Ассоциация' няд минрена манзаями пэрҕадм'. Илебей ненэцие" е"эмня Ѓэрм' тер" сянакубц" пирдырмам' сертабидм'. Ныхыдырцэ сямянхат мэбетидо' таслаҕува". Пыдо' ҕахакуд тикы' е"эмня ницэ хакекур". Сиддо' сирё хибяхарт нись табедамбю", ҕадьбята ханяҕыдо' нид минзэ нидо' тохоламбаҕу". Пирдыртина" поҕгана луца", хадьян' хасава ҕацеки ҕани' тания". Ѓэрм тэнз мэта" нидо' нядабидо', тидхалембидо'.



Сидяҕу": Галина Кинчина' тадтавы"



дырми минрева' няю' ҕанэдырма" яҕу. Теда' ныхыдырцэ тархалмадава" «Авангард»хад ханавацэ. Нянаана" тамна хан", ныхыдырцэ мэта" лата", тынзэ", тубка" тара".

Нерня' ха"амвы" хасава ҕацеки" «Ямал-нюна" я!» Ассоциация' нермбэртэ Эдуард Яунгад' нудахат мядонзэйдандо' ня"мацэ. Тарем' саҕомто' сер' сидя явна ныхыдырҕацэ. 65 кг-хад вата" поҕгад сямянхат мэбета Ядне Юлиан ҕэвы. Пыда Тасу' явхы Паюте"э харда-хад ҕа. Танияна тарця мэбета" ҕока" ҕэрха". Ня-бимдей ян' ха"амвы – Витязев Николай. Пыда Крышмарь Семёнм' нэкал"ҕась. Саҕоманато' няхатато' 65 кг-хад сибёрка" ҕани' мэбетидо' таслацэ. Тикы" Сегой Альберт, Хороля Николай, Сэротэтто Вячеслав ҕэвы". Ти, тарця" сёбар" яна" тер" Саля яв' тяханяна Си"ив Харв маркана ҕэда колледжхана тохолку".

Сянхав' иры' хэмяхад Анна Сотруева там-на ҕани ҕоб" пирдырмам' сертаҕу. Тедари' тикамда нидась вадес". Ма"нисьяв, товани ёльцинд' ҕацеки" ныхыдамдо' ма"ламбая".



Колледжханандо' физкультура' урокадо' минрена Минхаиров Рустам Галимджанович сиддо' ёльце саву"ҕась:

– Я' ханярина ҕэрм тер" илебей" ненэци" сяхари' сёбар" ҕэсеты". Тюку тохолкось' яханандо' ҕани' ненадо". Хуркари" тоенана серкана нядо' енасетымд'. Ханярина пирдырцэ тара-бата хонрабасетын - сяхаҕарт' пуня' нисеты" ҕа". Тохолкода" илебей" ненэциена" пирдырман', сёбар" илам' нёдаван' харва". Ңопой, маня" колледжханана" Ѓэрм' тер" пир-

Ңани яхана еся няд"мидо' нидо' ёт"

Ңока по" ямбан' Ѓэрм' яханана" манзаравы" ненэци" «Ветеран Ямала» нюмам' недвоцэ пирҕа". Пенсиян' хэвандо' мальҕгана тикы ненадумда"мавнандо' яҕга еся няд"мадо' тания.

Едэй похона январь иры нюртей яля-хад ҕардада - няхар" ёнар". Тикы есям' ниня манзарана", мале пенсияхана мэна" ня"марпидо'. Самляҕ ю" подандо' хэвы" не", самляҕ ю" самляҕ потна" хасава", тикахат ҕаркамбой" ҕани' няд"мам' ня"марпадаҕэ

толы". Ты пэртяҕэ, халям' хадабадаҕэ, ханенаҕэ тарана" яна" тер" «Ветеран Ямала» нюмам' мэпато', манзарабто', нибто' ҕод", сянри подо' ҕэбта ҕод", тикы еся няд"мамдо' ня"марпидо'.

Тюку поход пенсияхана мэна" вэсэймы" ненэци" Ямалхад ҕани" ё" ня' илевандэ хэвы" ҕэбто', ненадо нюмганандо' недвомы" есьдо' ҕани' мэцэ пиртыдо'. Хусувэй ирыхына пенсияндо' няд"маҕэ тараҕу". Тарця илаҕгана тарана ватом' округна" ҕэвахана мэна" ерв" ҕадимдевадо'.

Сававна манзарамито' е"эмня

Округханана" манзаяханато' ҕарка таром' минрена ненэцие" е"эмня едэй ненадо нюмам' ҕадимдевы". «Заслуженный работник сферы труда, социальной защиты и занятости населения ЯНАО» нюбе"ҕа.

Тарця ненадумда"мам' ҕули" тяхасовна манзаранаха" мипаҕудо'. Ямална" ҕэвахы ерв' пидте"мяхана мэйравы ҕэҕу. Пили" нерде' манзарась' яханато' ҕэвахы" ерводо' ненадум-даванда ненэци" нямна яҕга падарм' падаҕу".

Мюнянда хурка" сава" серо ҕока по" ямбан' минревамда, яля' ня' ҕэвамда, ненэциҕу" ҕарка таром' тэвравамда вадета". Тикы' нерцона «со-циальной защита» манзаи минренари" ненадо ненадумда"мам' ня"ма пирҕацэ. Теда' «служба занятости населения» манзаяхана мэна" ҕани' тикы' ненадумда"мам' недвоцэ пирта".

Несэймдавы закон' ватом' округна" Зако-нодательной Собрание' тер" серта таславэдо', ныхыда тадри' ненэйвана падарт' падвандо' пуд ҕадимда.

ОБЪЯВЛЕНИЕ



Ямалхана
СВО' няна
сайнорта"
ненэцие",
мято' тер"
е"эмня
ҕадимдевы"
няд"ма"



Яйрана не, Пасрана не

Тюку ямидхы лаханако Ензя' няна Усть-Енисейской район' няна илена ненэцяҥгад намдавы. Вадандо' хэтыр" хаця яуга. Толаҥгобта", инзеленарахада" нэҥгуда". Вадидо' лаханавандо' сер' падвы".

Сидя Їэпт Ямп сидя нека-хаюни. Їока тэва" юҥгу, сидя ю" ёнар". Їока мяма" юҥгу, наҥэдя юр" мяма". Нюдяюм неками ялэ" ямбан хуны. Нюдя неками манэ-ман харвав - ҥарка ҥэпта, нюдя ҥэпта. Ни юркор". Ини томахат пилипт" хуны.

Сяны ҥэпту нод" нябами ной та, манма:

– Ҥая нойдант сэдад! Хамэды, моторпэй.

Нойм сэдыбидм.

Яля еркня вэн" чёрейд". Ня-бами сырца, ма:

– Сив ҥэдалёда, сив Тасиний –мал тувы". Ҥарка Тасиний немча пэмы.

Не мят чу" нив. Чикы нер сидя нёны поҥгана яйра, пасра. Чикы пуна ҥарка Тасиний ҥарка нека-ни няюна хэванода. Яйрана Нер, Пасрана Нер вахалпата ҥэвада сидя марчхаюту ня лыпсана. Манма:

– Не янэ", мань сапдабнан, пуданабнан? Маня" я серу" емня това".

Нябами мунчи. Амгэ пиркана манма:

– Амгэ мэнаимта мыҥгуда"? Пода юкад вата чет, самб-ляҥгумчей вэсм пэрҥа. Харта пивамта ҥылда яма, ҥобарт сэда ехэра, авэй ненэчам пэрчэ.

Яйрана Не, Пасрана Не ман-ма:

– Нойхавам сэдыбиню". Маня" ҥо" хаюмпа хэбнана" амгэм ченевасава"? Тоход" нив.

Ҥарка Їэпт Ямп неками мят чу. Яйрана Не, Пасрана Не пин тарпы". Ҥарка Їэпт Ямп неками нябан манма:

– Маньчван иҥуцалмадм. Мипнана" саво ҥэптав, вэва ҥэптав?



Нябами манма:

– Нюдя нямту ийҥэ табнанту, ханя саво ҥа". Чедари нюдя. Ийҥэ вадеп", саво ҥэҥгуданакы, ян тарем хеваҥгоданту. Тарем хэбнанту, Тасиний" вэва идю хоҥгу" ним. Выни саво ноҥгу".

Амгэ пиркана ҥарка Тасиний, Яйрана Не, Пасрана Не мят чуҥаха". Яйрана Не, Пасрана Не манма:

– Сидя Їэпт Ямп, амгэиҥуди нямади? Вададава" тади!

Ҥарка Їэпт Ямп манма:

– Ҥоб по ямбан ийҥэ хаюба-та, саво ҥэҥгусь. Нява" тамна не ҥачеки. Торомдаҥгуда.

Яйрана Не, Пасрана Не ман-ма:

– Чикар ҥана выни мэ". Ня-та мандава". Харвабата, хаёя. Нибнанта харва", не ҥачекэмта" ханаҥгува".

Яйрана Не, Пасрана Не пон ни мы", ҥани мят чу, тарем ма:

– Ненэчама" хаёван харва. Ийҥэ хаёя.

Чептэй яляхана чусей ёльче" ним, ма" ним:

– Пуня мюсеҥгува", ява" хупта.

Пи сеҥгава".

Чептэй яляхана ненэча" чусейн то". Сидя Тасиний пирипчаха" таниявэхэ". Ҥокхату няхар" ервота недугу, Яйрана Нем, Пасрана Нем толаба.

Чусейм мэҥава". Нябами чикы няхар" нем мал ҥамдтайда. Нюдя Тасиний мань хэвхани ҥамдтада.

Яйрана Не, Пасрана Не нерм пэрҥа, манма:

– Няра" лакамбой ҥэдаптар!" Мякана" ханаҥгува".

Неками манма:

– Мюдда хаёя. Ҥэлом чёкон тось тараҥгу. Сянад вадартыда?

Яйрана Не, Пасрана Не пили" лахана:

– Сидя ҥысы понт ва-далпанана", нив саво ҥэҥ-гу". Мюдда тания".

Ҥарка Їэпт Ямп сидя мюдм харв паҥк нид нэ-хҥахаюда. Ты" то". Няби мюд ты" ялхату сэр", няби мюд ты" ялхату падвы". Яйрана Не, Пасрана Не няби мюдми вадалҥада. Мань мюдни ты" сэр".

Мят тэвына". Сими мят чуле" ним. Пи сеҥгава".

Хуняна не" тода" ним. Яйрана Не, Пасрана Не мякананта юҥгу. Мань ҥани пин тарпыв". Яйра-на Нер, Пасрана Нер вадвэмта мюдамта малҥэ иправэда. Черда няхар" ян мэвыда. Сидя мандалм сидя пирипчан мимэюда. Ҥоб мандалм харта мэда. Хурёди хураби".

Мят чува". Ҥорчэ ёльчейна".

Ҥарка Тасиний манма:

– Хадно" ямдаҥгуна".

Хаби не" мяд" хавда". Яйрана Не, Пасрана Не хасев" поҥгана ҥэваримта хамола. Тад мань ханни хэван то, манма:

– Не янэ", маня" яхана" хэбнана", туҥгус, вай мядомана хантава". Сидна" писядаҥгу" ним, мант" ним: «Тэмдахаватэмдавэду, нямту ийҥэ хаевэду. Ҥысурчэ мюсевэду». Ҥадьбятутарча": нямюду ямп, пасрик ненэча". Ҥэрёхона Їэпт Ямп не ням, нюдя Тасиний мядинчэ ҥэдараҥгухуона". Чедари нева" ханаҥгува".

Нябами, неками хамантаҥаха"? Нябами манма:

– Ҥавхана вадина" ничэ тарча" ҥа". Ҥани иҥуд" ховэда". Тарча ҥэҥгуданакы.

Тарча вади намдхава мань ханни хэван та ҥамдыв", ярҥадм. Тарем мэнахани мандалъяв". Нюдя Тасиний тодакы, мэчини тыни танакы.

Нябами манма:

– Хэвняҥы ты тавэнаню". Харта тыда тась тарась. Хэвняҥы тэхэна ҥэдалё ямҥгу" нив. Маня" нива" мюсер".

(Пелямда ҥадиманда газетахана толара")

«Ненецкий фольклор»
толаҥгобц' мюд ханавы.
1976 похона Таймыр' няна
Тухард' тер, Ямкина Мария
Николаевна' ваде"мы,
няданда К.И. Лабанаускас'
падвы



Ервы сехэрэда ни тоход”



Сидяңг: «Няръяна Ѓэрм» архивхад ханаы

Ѓока по” тяхана Ямал’ выңгана, Ярато’ лаңг’ ниня Варчи Лапцуй’ ңарка хасава нюдя соявы. Яптикы’ пухуцянда ня’ нюмди’ Вэсакоңэ нюмдеведи’. Нюдякоця ңэбыхында тикы ңацекэця вэсакоцядарев’ нули” яна ңэвы, ңарка ненэцие” хэврин’ харвавы, вадетаха”то’ ёльце сававна инзеле пэрмы. Ѓармахаданда яра иры 28 ялям’ соя”ма’ яляданда па-даркана падувандаңэ харта тэравэда. Мале пон’ пыда «Няръяна Ѓэрм» газетана” ңэвахана мэнаңэ тарась. Невхы” похо”на падвыда тедалахана толабина”. Мэё вадада я’ сяр’ нимня ядэрта ненэй ненэцяңэ сидна” пирм-дамби:



Ненэця’ вада мэсыдота вада,
Мирць тeneвани” хар’ силилаха.
Вада’ харахава явнанда ңэңгу,
Па”мя нарядарем’ вада ситриңгу.
Ненэця’ вада минтарка вада,
Пя ебц’ мюд мэ”элавы вада”
Ѓамза нямюн’ мэядавэраха”,
Ненза явнанда, нись тапаёр”
Ѓани ненэцяңг” ява” вадетина”.
Тикы вадахат сёна” хэңгадарңа”,
Ѓэрм яна” ниня илам’ вэтабаңа”.
Невхы вадам’ — ирина”на” мэ”мэм’,
Ямидхад илңото’ силмэм’
Мэць пяб”нана” — лабта ява” яңгу,
Пирця ява” яңгу тэри ңабцата...
Тикы вадам’ мэць, яни вадам’ мэць
Яв’ варахад идартархадм’...

Леонид Лапцуй’ падвы




Сидяңг: Марина Яр’ тадтавы

Сидяңг: Хабэча Яунгад тадтавы

Хобцоко”

Таслара”, хурка
вада” сюры”?



Ць

Е=Ө

ХО



Е=Ө



Х=Н



”



,

ВО=Р



”



Ць

Татьяна Сэротэтто’ сертавы”

Газета «Няръяна Ѓэрм»	И. о. главного редактора Кинчина Галина Сергеевна	ГЕНЕРАЛЬНЫЙ ДИРЕКТОР АНО «ЯМАЛ-МЕДИА» Зулинова Мария Андреевна	№ 9 Подписано в печать 26.02.2026 г. Вышла в свет 28.02.2026 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
Учредитель – департамент внутренней политики ЯНАО (629008, ЯНАО, г.Салехард, пр-кт Молодёжи, д. 9, каб. 708).			Тираж 3600 экз.	Цена годовой подписки 166 руб. 84 коп.
Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д. 9, каб. 708)			Заказ № 40 тз (тираж 3600 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнуныяца, д. 1, каб. 106	В розницу не распространяется.
Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559			Фактический адрес: 629007, Ямало-Ненецкий автономный округ, г. Салехард, ул. Чубынина, 39А	Адрес редакции: 629003, ЯНАО, г.Салехард, мкр. Богдана Кнуныяца, д. 1, каб. 106 тел. +7 (349 22) 4-53-32
			Газета выходит по субботам.	E-mail: nn@yamal-media.ru